

光緒山西通志

風土記下

記六之一

山西通志第一百

賜進士出身頭品頂戴兵部侍郎兼都察院右副御史巡撫山西提督軍務臣張煦奉
旨監修

方言 物產

方言之見於楊雄書者自關而西晉之故都好曰妍 豐晉
之舊都河汾之間其大者謂之甄其中者謂之甌甄 魏曰
𦵏 秦晉之郊凡物小謂之私或曰纖 怕頭曰絡頭 栢
謂之盃 熟曰𦵏 晉之北鄙謂殺亦曰劉謂賊曰虔 晉
之西鄙使犬曰哨 擊周晉之鄙曰囁噪亦通語也
慧晉謂之𦵏 注今以小兒之慧者
日乖當即𦵏之轉音 愛曰愴 思或曰愴凡
思之貌亦曰愴 逝往也秦晉語也 會亦曰抵凡會物謂
之倣 勉曰釗或曰薄其鄙語曰薄努猶勉努也 言布帛

之細者曰靡 愧曰悔或曰慙 猛曰爽 琢謂之鐫 欲
曰朕 轉目曰逡 受盛也言容盛也 誣言阿与 噎或
曰噎 人不靜曰蹇 特曰絰 索言抖擻 分曰離 聲
變曰癹器破而不殊其音亦謂之癹器破而未離謂之璽
凡物樹稼早成熟謂之旋 紉或曰竟 續折謂之綱繩索
謂之剝 悲曰暖不欲磨而強畲之意也 老謂之公或謂
之翁 所疾言可惡 非其事謂之皮傳 守宮或謂之蟪
蟪或謂之蜚易 頷謂之頷 秦晉之中土謂墮耳者明也
秦晉之際河陰之間相謁而食曰饑饉

自關而西秦晉之間凡好而輕者謂之娥 餘曰隸或曰烈
愛或曰矜或曰悼 凡大小兒泣不止謂之嗒哭極聲絕
亦謂之嗒 憂或曰愁或曰濕凡志而不得欲而不獲高而

有墜得而中亾謂之濕或謂之怒 凡物壯大謂之赧或曰
夏凡人之大謂之塏或謂之壯 凡相愛敬謂之亟 凡物
長謂之尋 凡人語而過謂之過或曰僉凡物之壯大者而
愛偉之謂之夏 跳或曰路 登曰躡 凡取物而逆謂之
纂 凡大貌謂之朦或謂之彪豐其過語也 凡美色或謂
之好或謂之窕美貌謂之娥美狀爲窕美色爲豔美心爲窈
凡細而有容謂之斐或曰猗凡細兒謂之笙斂物而細謂
之摯或曰糝 懷盛也或曰臙 凡病而不甚曰殫殫 物
力同者謂之臺 凡蹇者或謂之連體而偏長短亦謂之連
凡愧而見上謂之赧 痛或曰慄 凡取物之上謂之擣
捎 睊睊曰眄 息或曰喙或曰餽 堅曰錯 炊薪不盡
曰盡 撝略求也就室曰撝在道曰略 剝蹶曰獐 凡人

獸乳而雙產謂之健子 罵奴婢曰侮 牀謂之杠 相勸
曰聳或曰聳中心不欲而由旁人之勸語亦曰聳凡相被飾
亦曰聳 聽而不聰聞而不達謂之聾聾之甚者謂之聵
懣言心內懣 敬曰稟 理曰紕凡物曰督之絲曰繹之
凡言相責讓曰譙讓 暴五穀之類謂之囷 凡以火而乾
五穀之類或謂之聚 戟謂之鉞或謂之鉞戈謂其大者曰
鉞胡其曲者爲鉤鉞鉞胡 車篷謂之拘簍 蜩謂之蟬
蠅謂之芊 蛭謂之蠱或謂之天蠅 蜺謂之蜺蜚
蜚蜚謂之蜚蜚 蜚小者謂之蜚 豕謂之墳

燕代之間愛曰悽 懼曰慢台 信曰訖 眉梨老也燕代
之北鄙曰梨 簾趙代之間謂之簾 唐冀之間至曰假或
曰徭 晉魏之間猛曰捫

其見於別籍者莫莖大如箸冀州人謂之乾絳河汾之間謂

之莫

詩唐風疏

河東名帛為幣

禮記曲禮注

輶小車轅冀州以此

名之

信元年公羊傳注

河中呼水中沙堆為渾

爾雅釋水注

秦晉謂

好曰姪娥

說文

秦晉謂細腰曰嬰

同上

莖晉謂之莖

同上

蠶

秦晉謂之蝸

同上

河東以東西為阡南北為陌

史記秦本紀集解

冀州人謂懦弱為辱

史記集解孟康

河東人呼誰與葵同

孝武本紀

注又漢書武帝紀注汾

河東北界人呼小石甕受二斗所

曰服匿

漢書注

冀州凡水大小皆謂之河

漢書注引文穎

河東

謂治道為繇道

淮南子精神訓計注

其見於方志者霍山以北稱父曰老子呼小兒曰娃人憤憤

曰不中用闔爭曰撻拳合人曰夥伴妒人曰不分呼親家親

作去聲娶婦曰索妻兄弟妻曰先後小兒曰野兒長身曰挑

短身曰選謂人癯蝨曰笨材臨事憤憤曰餽塗蟲責人曰數
說飯曰一頓惡味傷口曰蜚多曰夠少曰不夠受人之物曰
賄以物與人曰歸霞曰燒電曰閃電曰硬雨牛羊不生子曰
特馬不鞍而騎曰騾孔曰窟壠來讀爲釐飛讀爲希房爲縛
羊爲樂驚爲戟明爲覓養爲樂上紡爲縛上鏡爲戟去命爲
覓去以上舊志外祖父謂之簡爺外祖母謂之簡婆我謂之咩
婦謂之瞋小磨曰撥賴鼠曰孤兒承塵曰頂幔鈕扣曰圪蒼
兒幾曰撥來鼓撥來者擺也窟團者圓也圪拉者隙也窟壘
者塊也推委不前也敵流者丟也獨隆者東也革聲也特闌
者耽也金聲也仄陵者錚也搏棧者崩也皆絲聲錚從絃崩
從手也絃聲一而輕手聲重而紛也搏策者竹木投地凡聲
而不韻者也蜀刺者摔也物散落而颯颯然也罵謂之卷儻

不浪悶悶然者也棱騰虎言其憨也大傻傻言其癡也雷堆
言不振刷也蓋辜昏濁之譏也窠利卑汙之誚也格將故相
左又意所不順也搔人俾甚癢亦謂之格將梭利者細也便
捷而詳密也耶荅沒刺不著意也

以上甯
鄉縣志

霍山以南父曰

爸母曰家妻曰媳婦子曰廝兒夫曰漢家祖曰爺爺祖母曰
娘娘外祖曰老爺爺外祖母曰老娘妻兄曰室兄弟妻曰弟
妹稱人妯娌曰襄婦家中曰居舍同事曰連手代人奔走曰
跑事同行曰廝趕知曰悉下無曰沒收拾曰抬奪以手比勢
曰等想曰擬募耕地曰疊地添火曰抬火筆曰生花麪條曰
旗子繩曰麥東牲畜曰頭口謂湯爲拖狼爲羅名爲滅閭爲
揚杳爲恨號爲侯睡爲樹桑爲梭外爲衙廳爲添母爲墨來
爲雷王爲禾跪爲出去爲棄布曰慕年杖曰格關口袋曰尺

頭女子髻曰格爪稱人連襟曰挑擔乳曰麥麥立曰勾蹲曰
圪塥看爲說身倦曰乖罵曰卷臥曰貼以手掩物曰烏妥當
曰實熟彼此撲跌曰姑鬧並見趙城縣志洞曰窟窿屏門曰閃閃起
手丈量曰插尺相隔數家曰望望鄰土坏曰餽瑾煤炭曰黑
槽頭曰登腦不才子曰囊飽貨又曰木骨蟲繼妻曰姚婆子
繼子曰瞞圪塔水半熟曰沙溫子半涼曰烏塗子硯臺曰硯
瓦筆曰生活口袋曰毛連牲口曰頭戶跌倒曰栽倒少曰爭
些響讀學上聲並見臨晉縣志太行之間驚小兒啼曰麻胡子小
麥謂之宿麥圓麪食曰鵝卵石分盛果食器謂之攢盒聘婦
以茶爲禮稱納徵爲下茶夫稱妻曰家里父母尙在昆弟不
同財產謂之生分盛酒器謂之曇曇鴉鳥別名寓戒意也婦
女偶失財物便謂買郎巾炙之郎巾蟲類也見西陽雜俎稱

不曉了者曰罄濁蟲稱叔曰爸稱母曰娘晉人曰賊王八稱陽溝爲陽濠撥阮謂之咸子靖康初民間以竹徑二寸長五尺許冒皮於首其製曰漫上不漫下路俗每稱此語麪食曰合絡餠餅曰火燒並見長治縣志

右方言

方物入貢者有皮張豬胰飛羅麪蒲桃乾藕粉石花魚

晉政輯要巡撫每年呈進方物二次每屆冬至節呈石花

冰魚九十尾

出保德州

每屆年節呈天馬皮一千張青白肱皮

一千張豬胰五十匣

並由中軍參將承辦

珍珠毛皮一千張絳州羊

羔皮一千張

交城承辦

黑白朔鼠皮一千張飛羅麪四箱

並朔州承

辦蒲萄乾三箱

文水縣承辦

藕粉五十匣

太原縣承辦

石花冰魚五

十尾

仍保德州承辦

州志向例每年正貢外副貢之魚約四千尾光緒二年知州周天麟詳請裁浮監數目每

年兩次用副貢
魚一千六百尾

舊有西瓜柿霜

晉政輯要舊例常貢有榆次西瓜六百四十箇永濟柿霜

五十匣均於光緒六年豁免

榆次縣志瓜出東西中三郝村始未有名康熙中巡撫噶

禮以進

御達著為令歲貢瓜

六百四十嘉慶三年免

半每歲正貢二百副貢一百

於六年照榆次瓜貢一律豁免

於六年照榆次瓜貢一律豁免

於六年照榆次瓜貢一律豁免

其采辦之物解交戶部者有鐵絹紙解交工部者有潞紬流

黃

凡平鐵八萬四百九十八斤好鐵二十萬斤農桑絹三百

匹生素絹一千二百匹毛頭紙一百萬張呈文紙四萬張

大路紬三十匹小路紬五十匹疏黃十萬斤

詳見公署略

定制年鐵每塊長四寸九分寬三寸四分厚九分重六斤
四兩好鐵每片長一尺五分寬二寸二分厚半分重五兩

農桑絹每匹長三丈五尺闊二丈重二十一兩二錢生素絹每匹長三丈五尺闊二丈重二十一兩二錢頭紙每張長一尺七寸寬一尺一寸五分青大紅元青綠包明黃月白各五小潞每匹長四寸內石青大紅元青內明黃綠月白各五小潞每匹長四寸安貢紬白明萬曆中始後坐派至八千餘匹國朝順治初長治高平二縣歲織止三千八百五十匹康熙司購辦一千四百七十匹乾隆改織小紬四百匹小紬又各減一大路紬一百匹乾隆十五年定歲解如今額自歸官撥民間幾不知一年停解十五年定歲解如今額自歸官

謹案任土作貢厥義自古

國家勤恤民力凡所需物料皆令有司支款購辦未嘗
責以上供惟疆臣歲終例進方物稍存故事較之唐
宋土貢特千百之一二然猶屢邀

恩免斯則惜人勞正以作天德普地利也用志物產敬述

於篇其前代貢物繁複且多爲今土所無則仍舊志散附各條下不別爲目焉

百穀皆常產稷曰蜀秫又曰麥子卽高粱也

爾雅翼稷者五穀之長故陶唐之世名農官爲后稷其祀五穀之神與社相配亦以稷爲名以爲五穀不可偏祭祭其長以該之程瑤田九穀考說文稷齋也五穀之長齋

稷也

齋重文

秫稷之黏者

秫重文

案稷齋大名也黏者爲

秫北方謂之高梁或謂之紅梁通謂之秫秫又謂之蜀秫

蓋稌之類而高大似蘆穀譜蜀黍一名高粱一名蜀秫一

名蘆稌一名蘆粟一名木稷一名荻梁自注廣韻舊梁木

稷也類篇集韻皆云關西呼蜀黍爲稻黍今山西平陽汾

州諸郡人余見其通呼爲稻黍也

案程氏辨稷爲高粱凡數千言一時通儒段氏

必劉王氏懷祖告主其說段氏云九穀考至為精析學者
部人能通其語者正名其言漢人皆盲其字真可謂撥雲霧而
說青天矣推尊尤至書陽祁氏馬首農言云今之所謂穀
即所謂高粱即說文之稷也稷者不黏者也其實曰粟今
之所謂高粱即說文之稷也稷者不黏者也其實曰粟今
北呼其種為稷高粱最先粟次之黍稷又次之高粱最
大又先諸穀播種曰五穀之長故司農之官曰蘇恭誤解陶通稷與
穀之總名因之為祭穀之總名也唐蘇恭誤解陶通稷與
黍以稷為稌之說遂欲於黍中求稷乃曰本草載稷不黏分
黍北失之矣說文稷中求稷乃曰本草載稷不黏分

舊通志高粱一名稻稷種來自蜀一名蜀稷九穀考蜀

緩聲稷為蜀黍之合聲黍類之大者名蜀稷土人又稱

莢子在太原屬者苗低穗緊在汾州屬者苗高穗鬆在

平陽絳州諸屬者有早稷晚稷二種早稷有大老漢小

老漢諸種晚稷有紅黑黃白蓬頭諸種蓬頭穗下垂紅

黑白三種穗上生黃穗四面分披粒無殼者米硬可爲
粥有殼者米軟可爲酒醋潞安諸屬復編稽爲箔以造
屋

黍曰糜黍脫殼則名黃米其黑者爲秬黍

九穀考說文黍禾屬而黏者也以大暑而種故謂之黍孔

子曰黍可爲酒禾入水也粳黑黍一稗二米以釀也秬重

文秬一稗二米詩曰誕降嘉穀惟秬惟秬天賜后稷之嘉

穀也黍稷也案說文以禾況黍禾屬而黏者黍則禾屬而

不黏者糜對文異散文則通稱黍也今山西人無論黏與

不黏概呼之曰糜黍又冒黃粱之名呼黏者曰軟黃粱不

黏者曰硬黃粱太原以東則呼黏者爲黍子不黏者爲糜

子 植物名實圖考黍別錄有丹黍黑黍及白黃數種其

穗長而疎多磨以爲饀苗可爲帚京師所謂黍子條帚也
丹黍和黍北方亦種之而黃白者用廣京師有攤於案而
負以售者計錢多少削之呼曰切饀蓋以黍與豇豆和合
爲之稷則通呼爲糜黃者獨曰黃米民間以爲飯且釀又
搏爲饅首而空其中形如鐘曰黃米麪窩窩

舊通志秬黍出長子縣羊頭山其色至烏其形圓重累
百滿尺可以累律漢律歷志以上黨羊頭山黍度之爲
尺以定黃鐘明嘉靖間采之定樂律

國朝亦遣使取焉

梁穀唐以充貢穀卽粟也連稾謂之禾脫殼爲粟米亦曰小
米其精者爲梁穀黏者爲秬穀

說文解字注民食莫重於禾故謂之嘉穀嘉穀之連稾曰

禾實曰粟粟之人曰米米曰粱今俗云小米是也

文獻通考唐常貢絳郡粱穀二十石

唐志作粱米

植物名實圖考粟卽粱之細粒者一類而種各異北地惟以粱與粟爲粥飯故獨得穀名考說文嘉穀實曰粟蓋兼禾黍今之粟專屬此種與古異其種名尤繁北諺曰百歲老農不識穀種爲粱粟言也俗語簡質渾曰小米而穀種益難辨

舊通志有早穀晚穀二種汾州北諸屬胥三四月種早穀有一窩蜂關東黃夏穀諸種晚穀有四根齊六根齊九根齊秆秆黃老來白臨秋變三變連草溜雨穀諸種汾州南諸屬胥五六月種早穀有馬陀韁白老漢竹葉青金棒秆黃瓜黃立校象尾穀黃穀諸種晚穀有潞州

黃一把箭纏子條料角白紅老漢狼尾稍豬敵齊鐵把
齒菠菜根天青穀貓毛穀青穀梁穀諸種早穀中黃穀
白老漢象尾穀三種耐旱馬圪韃白老漢二種耐風象
尾穀又耐雨晚穀中潞州黃青穀豬敵齊三種耐旱纏
子條紅老漢狼尾稍菠菜根貓毛穀五種耐風紅老漢
狼尾稍纏毛穀三種又耐雨早穀以六十日爲率宜早
田晚穀以一百二十日爲率宜水田惟潞州黃一種早
種則晚熟晚種則早熟水旱田胥宜又穀之黏者曰秬
有黃秬黑秬龍爪秬諸種胥可釀酒昔陶淵明官田種
秬卽是物也 天鎮縣志梁亦粟也穗小毛長米晶瑩
而多汁味特滑甘故古人以膏粱並稱有黃白青赤四
種白者尤良農家以其勞多穫寡植之者鮮士大夫或

終身不知爲何物獨縣南山最稱土宜邊地嘉禾無以踰此

麥經年種者爲宿麥春種者爲春麥皆小麥也大麥亦有宿根者穞麥俗名草麥其別種也

植物名實圖考大麥牟也小麥來也土燥亦燥土濕亦濕南北不同故貴賤異北之麥南之稻人所賴以生然稻能久藏所耗少麥經歲則蟲生簸揚輒減十之二三穀之飛亦爲蠹爲麥筮也大小麥用殊而苗相類大麥葉肥小麥葉瘦大麥芒上束小麥芒旁散諺云穀三千麥六十得時之麥粒逾六十此其數矣穞麥今山西多種之與大麥無異熟時不用打碾仁卽離殼但仁外有薄皮如麩打不能去

舊通志麥五穀之貴者有大麥小麥二種大麥作粥飯
殊滑漿可爲餬有露仁不露仁諸種小麥皮薄多白麪
有火麥黑芒火麥紅麥白麥和尚麥諸種汾州北諸屬
春分前種處暑後收名春麥汾州南諸屬白露前種芒
種後收名宿麥漢武帝紀勅各郡種宿麥種收隔歲故
號宿麥汾州南亦有春種大麥穰麥皮肉相連似稻土
人謂之草麥造麪用之亦有碾其皮以食者山西皆產
寧武尤饒 絳州志小麥有芒無芒種甚多日夕饔飧
胥用之治造頗爲得宜其法篩簸除去皮殼淘靜貯器
幽滋過夕向日曬八九分乾磨成麪重羅細白如霜雪
酵發手揉益以乾麪使虛實得宜作爲諸品樣式入甑
簞蒸出潔白豐腴甘美充食諸都邑所罕比至於祀神

饒女剪刻花鳥著裘懷肥傅色染采爭鬪奇巧其大盈盤逾尺規可仞婦女造作甚勞相習不以爲苦

油麥卽青稞也蕎麥有甜苦二種並出北地

植物名實圖考莜麥一作油麥本草拾遺謂青稞似大麥天生皮肉相離黍隴以西種之是也山西蒙古皆產之形如燕麥離離下垂耐寒遲收收時苗葉尙有青者或卽呼爲燕麥維西聞見錄青稞經年一熟七月種六月穫今山西以四五月種七八月收其味如蕎麥而細耐饑窮黎嗜之性寒食之者多飲燒酒寢火炕以解其陰滯南人在西北者不敢餌也將熟時忽有稽粒皆黑者俗名厭麥亟拔去否則雜入種中來歲與豆同畦則豆皆華而不實老農謂厭麥能食豆云 農書蕎麥赤莖烏粒種之則易爲工

力收之則不妨農時晚熟故也北方山後諸郡多種之治
去皮殼案今俗名穰子磨而爲麪焦作煎餅配蒜而食或作湯餅
謂之河漏滑細如粉亞於麥麪風俗所尙供爲常食作蕎
遜其潔白亦可食

稻水田有之糯粳皆備產晉祠者良

植物名實圖考山西舊志聞喜臨汾文水產粳糯今太原
晉水趙城霍泉稻田尤饒其綠渟沱汾滄州縣及沃泉濫
泉澗溪濁洹無不穿池斷渠而塞外天鎮陽高大同亦間
引溜灌惟漳沁所從來者高難潞爲利

舊通志稻有粳糯秈三種粳不黏可爲飯糯黏可爲糕
用以釀酒尤佳太原桑落汾州羊羔胥以糯爲母者也
秈北於粳小而尤不黏其種甚早土人號秈爲早稻粳

爲晚稻與江浙田家詳晰粳糯和者差異稻米出太原
晉祠者潔白纖長味殊精美明蘇祐詩飯熟香秬入王
瓊詩蒲苗炊香晨饌美皆謂此也

豆卽菽也處處有之粉屑舊以充貢豆豉菽乳製造並精

唐志太原府貢粉屑

舊通志豆種有八一豌豆有白綠二種白者味甘作羹
佳一黑豆又名雄豆入藥良有夏黑豆麥樓子一窩蜂
三種夏黑豆麥樓子就地蔓生花白顆小一窩蜂高幹
叢生花紅顆大一莖豆有摘角刈梗二種摘者角無毛
顆小刈者角有毛顆大一大豆有醬色雞眼睛黃豆白
豆大黑豆大綠豆六種白豆早熟黃豆可榨油造醬兼
可作腐醬腐謂之腐乳會城最佳一小豆有赤白二種赤者可辟溫

一豇豆有菜豇豆柴豇豆二種菜豇豆蔓長者懸架結
角蔓短者鋪地結角胥可爲蔬有青黃黑白赤斑六色
青者顆黑象人面一名人頭豆柴豇豆顆可佐粥一茶
豆有豬牙豆火茶豆鉸片豆刀豆四種一扁豆花如小
蛾翅尾俱全一名蛾眉豆豌豆春冬種冬種者角多扁
豆春種餘胥夏秋間種諺曰穀三千麥六十豌豆八扁二
豇十一蓋豐稔之驗也

案志所列豆種略備豇豆食物
本草始著錄農書謂蠶時熟故
名爲豆之絕大者今大同廣植
之蠶以爲果小兒不時食之

麻有大麻卽火麻也胡麻今脂麻又一種色黑而大生北地
植物名實圖考大麻本草謂之山絲苗葉可食一名火麻
雄者爲枲又曰牡麻雌者爲苴麻花又曰麻勃麻仁爲服
食藥葉根油皆入用胡麻卽巨勝今脂麻也昔有黑白二

種今則有黃紫各色宜高阜沙壩畏潦油甘用廣其枯餅
亦可糞田養魚葉曰青蕤花與稽皆入用山西胡麻根圓
如指黃褐無文叢生細莖葉如初生獨帚發枝開花五瓣
不甚圓有直紋黑紫藥一簇結實如豆蔻子似脂麻大同
府志胡麻莖如石竹花小翠藍色子榨油元大同歲貢油
麴輸上都生料庫今民間糶之油曰大油省南北以茹以
燭其利甚溥惟氣稍膩雁門山中有野生者科小子瘦蓋
本旅生後時爲穀本草以巨勝爲胡麻今名脂麻而此草
則通呼胡麻別錄謂胡麻生上黨不知指何種也

舊通志大麻亦曰黃麻其皮可作布作履亦可爲繩索
其穢白而有稜輕虛可爲燭心遼沁等處饒焉一種色
黑惟榨油甚宜名胡麻生則性寒燭則性熱尙鼠等地

饒焉

玉蜀黍亦曰玉秫又名御麥處處有之

植物名實圖考本草綱目始入穀部川陝兩湖凡山田皆種之俗呼包穀山農之糧視其豐歉釀酒磨粉用均米麥
瓢煮以飼豕桿乾以供炊無棄物

舊通志其苗葉胥似高粱穗如秕麥葉旁別出一苞垂吐白鬚久則苞拆子出顆顆攢簇俗名玉秫 長治縣志留青日札名爲御麥今潞屬廣植每炊必需團爲餅與粥糜同煮謂之圪塔屑榆皮和之切爲條謂之撥子沙米卽東廬也俗名登相子產北地

植物名實圖考東廬本草拾遺始著錄相如賦東廬雕胡魏書烏丸傳地宜東廬似稌廣志東廬粒如葵子苗似蓮

色青黑十一月熟出幽涼并烏丸地伏讀

聖祖幾暇格物編沙蓬米凡沙地皆有之鄂爾多斯所產尤多
枝葉叢生如蓬米似胡麻而小性暖益脾胃易於消化好吐
者食之多有益作爲粥滑膩可食或爲米可充餅餌茶湯之
需向來食之者少經朕試用之知其宜今取之者眾矣考保
德州志登相子沙地多生一名沙米作羹甚美又天祿識
餘云遼東西夏出登相今甘涼甯夏之野沙中生草子細
如罌粟堪作飯俗名登粟皆東廩也案登相卽東廩之轉
聲今大同以東農家
多磨麵食之
亦曰蒿子

千穗穀有赤白二種園圃多種之

舊通志高四五尺葉闊而尖苗帶赤色其莖可作杖葉

旁皆穗故名子碎小光滑黏而可食

案今人作餅多用
之葉嫩時亦可作

蔬味
同莧

荏亦曰稔子形似沙米可爲油山田時有之

舊通志荏出夏縣蘇屬一曰豆名詩大雅荏苒旆旆又

稔子出平定

案志所云當是一物粒圓而溢作灰黑色得火則香氣撲鼻土人以黏胡餅食之味同芝麻亦有榨油者與爾雅蘇桂及詩之訓爲豆者種類大別而南北稱名其字音均同無須傳合古義也

稗子黍類也亦有種者

植物名實圖考稗能亂苗亦有二種有圓穗如黍者有圓而數穗同生者與米同春則雜而帶殼別而杵之則粒白而細煎粥滑美北地多種之於塍非稂莠比也

山綠豆苦馬豆皆野生

救荒本草山菜豆生太行山車箱衝山野中苗莖似家綠豆葉比家綠豆葉狹窄梢開白花結角亦瘦小其豆黯綠

色味甘採取煮食或磨麪攤煎餅食亦可苦馬豆苗高二尺許莖似黃芪苗莖上有細毛葉似胡豆葉微小又似葵葉卻大枝葉間開紅紫花結殼如拇指頂大半頂間多虛俗間呼爲羊尿胞內有子如漿子大茶褐色子葉俱味苦採葉燂熟換水浸去苦味淘淨油鹽調食及取子木浸淘去苦味曬乾或磨或搗爲麪作燒餅蒸食亦可今山西有之花色極紅結實空薄一簇十餘內子甚小往往有蟲踰伏其中

稔頭生蜀秫上作蔬良

植物名實圖考稔頭一名灰包蜀黍之不成實者忽作一包白藟如菱瓜小兒輒取食之味甘而酥能噎人亦可作茹老則黑縷迸出成灰亦有作粒輒卽黑枯地下熟功不至則生余偶以嘗客戲語之曰山西謂蜀黍爲菱子俗亦

謂苽爲葵鄭康成以苽列九穀此不可謂苽耶

蔬之屬菘今白菜也其異者曰葵花白

植物名實圖考白菜北地產者肥大昔人謂北地種菘變爲蔓菁殊不然其種類有蓮花白箭幹鈴杓白各種惟黃芽白則肥美無敵

山忻州絳州者佳

葵花白菜生山西大葉青

藍如擘藍四面披離中心葉白如黃芽白菜層層緊抱如覆碗肥脆可愛汾沁之間菜之美者爲齋爲羹無不宜之俗訛爲回子白

天鎮縣志牛肚菘俗名回子白其葉重重捲疊形圓如毯霜降後百蔬皆萎亭亭獨立色益青翠人家蓄以御冬大有重七八斤者其植最廣恆販往他邑

大韭產北地冬韭曰韭黃

元和郡縣志河東道蔚州大韭多生於山及平野魏孝文所種以濟軍需後沃壤處皆長三尺葉廣於馬蘭但味少短耳

舊通志冬韭出襄陵居人以石爲小隄導水其中駕以木雜以葭葦覆肥壤於其上入冬韭乘暖氣生莖甚壯味視夏秋尤美

吳氏云北地冬時培作韭黃味美卽漢時溫養之類

苦菜曰苦苣苣黃曰甜苣卽詩之苣也又有紫花苦苣

詩唐風采苦傳苦菜也陸璣蔬苦菜生山田及澤中得霜恬脆而美所謂葢茶如飴又云苣似苦西河雁門尤美植物名實圖考苦菜鋪地生葉數十爲簇開黃花甚小花罷爲絮所謂茶也根細有鬚味極苦北地野菜中之先苣者亦采食之有花葉光葉二種苣黃菜北地極多亦曰甜

苣長根肥白微紅味苦回甘野蔬中之佳品也以餚與醬
拌食或焯熟茹之其葉長數寸鋸齒森森中露白脈花正
如蒲公英齊民要術引詩義疏葠苦葵青州謂之苣是也
今山西野生者極肥土人嗜之紫花苦苣山西平陽有之
夏開紫花餘無異土人謂黃花爲甜苣語重如鐵苣此爲
苦苣

辣菜芥也亦曰大頭菜蔓菁葍也甘藍謂之玉蔓菁

植物名實圖考芥老圃常藝者兩種其科大根小曰辣菜
根大葉瘦曰芥圪苔亦曰大頭菜又蕪菁卽蔓菁昔人謂
葍須芥蕪蕪蕪蕪菁七名一物又甘藍本草拾遺始
箸錄云是西土藍農政全書北人謂之擘藍按此卽今北
地撒藍根大有十數斤者生食醬食不宜烹飪也山西志

謂之玉蔓菁縷以爲絲皓若爛銀浸以井華劑以醯醢脆美爽喉葉爲齋曰酸黃菜尤美

舊通志蔓菁出臨晉者佳一名諸葛菜農政全書有二三

法先下子候苗長可時豫耕熟地作畦每畦深七八寸起土作壟時苗其上壟土虛浮根大倍常也或徑於壟上下子種蘆蒹法同按唐本草注云菘菜不生北土有人將子北種初一年變爲蕪菁二年菘種都絕有將蕪菁子南種者亦一年都變據如此說則菘菜條下又言菁種類因地必無移植之理然圖經於菘菜條下又言今京都種菘都類南種則菘未嘗不北也齊民要術稱并州蕪菁根大如碗口惟種他州子一年亦變而今三晉所產大於齊魯秦中所產大於三晉此理雖則有之顧小爲用何妨庶殖也風土不宜之說力本良農輕信傳聞捐棄美利者多矣計根本者不可不力排其說也

胡葵曰香菜波棱口莧菜與葱蒜皆四時不絕

本草拾遺胡葵味辛溫消穀石勒諱胡并汾人呼爲香葵也波棱本出西域頗陵國訛頗爲波 五總志余昔在晉

與蘇叔黨自大原之河外避暴水於楊廣道行李隔絕而
腹中枵然詢諸驛吏惟有波稜與米耳卽取以爲糜余有
詩戲叔黨云誰知吾子波稜粥壓倒東波玉糝羹 劉禹
錫傳信方怡打撲損取葱新析者火煨承熱擘開其間有
涕便毳損處崔給事云頃在潯潞與李抱眞及判官李相
方以毳杖按毳其軍將以杖相格傷李相拇指并爪甲劈
裂索金瘡藥裹之面色青痛不止有軍吏言此方遂用之
三易面色卻赤斯須云已不痛 案澤州巴公原產葱絕佳
莖有重至斤者名巴公葱
天花出五臺榆肉出大同皆菌屬也香蕈卽蘑菇其生邊外
者曰口蘑生臺山者曰臺蘑
藩之恆廣菌譜天花草卽天花菜出五臺山形如松花而
大如斗香氣如薺白色食之甚美

天鎮縣志榆肉榆樹所生癭也稱大同珍產居易錄邊將入都以之致餽價至明徐渭新平詩云野味榆生肉盤餐蕨長芽似亦廣有者而其木所在成林詢諸土人皆茫然古今地氣之異若是

舊通志天花地花芸臺金臺銀盤晉出五臺清涼山案

盤當作營盤歸綏議略蕨本諸屬熱氣淫蒸而生臺產之勝他處者每歲春夏間蒙古僧俗攜男女驅牛羊駝馬詣山拜佛依水草為廬帳每食必肉殘羹積汁傾土石日暄雨潤蒸而咸爾故特肥美此間所謂口蘑更可知矣明永樂五年六月內使李進山西采天花于謙為巡撫時嘗入覲有以手帕磨菇為贄例進者謙口占詩手帕磨菇與線香本為民利反成殃清風兩袖朝天去省得閭閻話短長

可惟蒲澤有產者其窩筍則窩苣地筍則甘露也為菹良

農桑通訣萵苣其莖去皮蔬食又可糟藏謂之苣筍 植
物名實圖考草石韮卽甘露子莖花與水蘇同而根如蓮
珠北地多種之以爲蔬 舊通志地苣一名玉環俗名曰地
留見出靜樂案今處處有種者
甘瓠圓者爲瓠水壺盧亦瓠類也

潘岳閒居賦河汾之寶有曲沃之懸瓠焉崔豹古今注瓠

瓠也壺盧瓠之無柄者瓠有柄曰懸瓠可爲筍曲沃者尤

美 案瓠壺瓠三者古人互訓無分別今俗以圓而短頸者
爲瓠長而瘦頸者爲瓠腹頸皆圓腰中束者爲壺盧

植物名實圖考水壺盧山西直隸皆有之大體類南瓜而

葉多花杈則無異瓜有青花白花數種早種速成肉縷多

汁 吳氏又云羹茹情腴
爛蒸鵝鴨端推此種

東風菜出忻州油菜出霍州筆管菜出潞府

元好問詩恍年又見東風菜注東風菜見本草菜部 植

物名實圖考霍州油菜二月生苗葉如蠶豆葉而細柔一枝三葉莖綠肥如小指作穗尤肥密開花如刀豆色黃結角榨其子爲油其莖與芸臺同味春遲草淺此蔬早薦旅館按酒滿齒清腴霍山以北不見此菜矣

潞志拾遺筆管菜卽黃精苗所謂薇也芽形似筆潞人

以筆頭呼之

案以黃精苗爲薇說殊鹵莽姑仍舊通志錄之

苜蓿南北皆種之陽芋植尤廣邊縣以爲糧

植物名實圖考述異記始謂張騫使西域得苜蓿菜山西農家摘茹其稚亦非常饒大利在肥牧耳土人謂芻秣壯於棧豆陽芋綠莖青葉根多白鬚下結圓實壓其莖則根實繁如番薯莖長則柔弱如蔓蓋卽黃獨也療饑救荒貧民之儲秋時根實連綴味似芋而甘似薯而淡羹臠煨灼

無不宜之葉味如豌豆苗開花紫萼五角間以青紋中葉紅的綠葉一縷亦復楚楚山西種之爲田俗呼山藥蛋

亦曰酸迷薇卽野豌豆也

詩彼汾沮洳言采其莫傳莫菜也疏莫頸大如箸赤節節一葉似柳葉厚而長有毛刺今人縹以取蔕結其味酢而滑始生可以爲羹又可生食五方人通謂之酸迷冀州人謂之乾絳河汾之間謂之莫薇山菜也莖葉皆似小豆蔓生其味亦如小豆藿可作羹亦可生食

項安世云卽今之野豌豆也

三秦記夷齊食薇三年顏色不變
山葱樓斗菜變豆菜青莢兒菜費菜牛尾菜地梢瓜皆野生之可食者也

救荒本草山葱一名隔葱又名鹿耳生太行山山野中葉

似玉簪葉微團葉中攢葶似蒜葶甚長而澀梢頭結骨突
似葱骨突微開白花結子黑色苗味辣採苗葉燂熟食生
食亦可糲斗菜生太行山山野中小科苗就地叢生高尺
許莖梗細弱葉似牡丹而小其頭頗圓味甜採葉燂熟水
浸淘淨食鹽豆菜初作地攤科生葉似地牡丹葉極大五
色又鋸齒尖其後葉中分莖又梢葉頗小上開白花其葉
味甘青莢兒菜苗高二尺許對生莖又葉亦對生其葉面
青背白鋸齒三叉葉腳花又頗大狀似荏子葉而狹長尖
梢莖葉梢間開五瓣小黃花眾花攢開形如穗狀葉味微
苦並生太行山野
中食法亦同前費菜生太行山車箱衝苗高尺許似火
燄草而小頭頗齊上有鋸齒其葉拂莖而生葉梢上開五
瓣小尖淡黃花結五瓣細小花蒴兒苗葉味酸採嫩苗葉

燂熟換水淘去酸味調食 植物名實圖考地柑瓜山西
廢園中極多花如木犀長柄下垂清香出叢瓜花皆駢亦
具異狀瓜有白汁者則子作絮正如蘿藦

果之屬前代入貢者有棗梨葡萄枳實柏實胡桃

唐志太原府貢梨葡萄柏實河東郡貢棗鳳棲梨興唐郡
貢松實絳州貢梨 太平記蒲州貢天蒸棗絳州貢胡桃
乾棗 通典常貢河東貢鳳棲梨三千五百顆棗八千顆
絳郡貢梨三千顆 九域志解州貢柏子仁十斤

爾雅洗大棗注今河東猗氏縣出大棗子如雞卵 史記
貨殖傳安邑千樹棗與千戶侯等 圖經大棗乾棗也生
棗並出河東今近北州郡皆有而晉絳州者特佳八月採
暴乾南郡人煮而後暴及乾皮薄而皺味更甘於他棗謂

之天蒸棗然不堪入藥 廣志河東安邑棗長二寸 別

錄棗生河東平澤 打棗譜世云噉棗多令人齒黃養生

論曰齒居晉而黃晉食此故也 演繁露陝州有梨樹貞

觀中有鳳止其上結實香脆其色亦黃號鳳棲梨

案此則河東之

種移自陝州

蒙泉雜言西陽雜俎與六帖皆載葡萄由張騫

自大宛移植漢宮按本草已具神農九種當塗燂火去穢

未遠而魏文之詔實稱中國名果不言西來是唐以前無

此論余嘗以爲大宛之種必與中國者異故博望取之段

白所載必有所據但失實耳比戊酉泉屢嘗取乾之名曰

瑣瑣比中國者差小形圓而色正赤其味甘美非中國可

敵則予所見或得之今此種處處有之獨蒲坂者勝土人

乾之以資貿易江南重之稱番葡萄 西陽雜俎胡桃仁

曰蝦蟆樹高丈許春初生葉長三寸兩兩相對三月間花如栗花穗蒼黃色結實如青桃九月熟時漚爛皮肉取核內仁爲果北方多種之以殼薄仁肥爲佳

舊通志蒲州棗今出積善村者最佳蘇軾與蒲廷淵柬河中永樂出棗道家所貴事見真誥唐有道士侯道華嘗得無核棗三食之後竟竊鄧太主藥上昇相里棗相里隸安邑古河東地也魏文帝謂羣臣曰棗味美者莫如安邑御棗爾雅注御棗甘美輕脆後眾棗熟卽今所謂撲落棗酥也明初督民種棗以三百二十三株上供歲徵鈔六十四錠有奇赴平陽交納其不種者戍之令初下民踴躍棗林櫛比獲利滋多後民窮胥伐爲薪間有存者亦非其舊今道旁遺坊題曰御棗千株猶存

案明

代棗謀平絳州縣皆有之胥折銀統於正賦其數目詳賦役全書 蒲州梨有青紅黃三

色風棲梨今無絳州梨今種尙夥一種大如盃味甚甘

微酢多藩蒲州府志虞梨產虞鄉故以字焉大蒲萄產者如升或重至斤餘疑卽鳳棲遺種

文水太谷者佳有馬乳水晶紫蒲桃諸種一種色黯紫形尖圓若垂

角者名瓶兒葡萄 核桃漢張騫使西域得種歸植之秦中漸移

東土吉州頗饒

舊志有桃杏柿棹梨榛子蘋果櫻桃栗子枳椇櫟子黑棗海榴楸子山查文官果西瓜雲瓜皆常產也

左傳趙穿攻靈公於桃園 別錄杏生晉川山谷白柿卽

乾柿生霜者其法用大柿去皮捻扁日晒夜露至乾納食

中待生白乃取出今人謂之柿餅亦曰柿花其霜謂之柿

霜 廣雅疏證櫨棹梨也漢書司馬相如傳云亭柰厚朴

史記亭作棹索隱引司馬彪注云上黨謂之棹初學記引
序志上黨棹梨小而甘是也棹字通作榛詩義疏云栗屬
有兩種一種子小形如杼子味亦如栗其一種枝莖如木
蓼生高丈餘作胡桃味遜代上黨皆饒又漢書司馬相如
傳植梨棹栗張氏注云棹棹棹也顏師古云今之輟棹也
御覽引廣志云棹棹味同柿晉陽棹肌細而厚以供御是
也名苑君遷如馬嬭俗名牛奶柿何氏焯曰羊棹非棹乃
則黑似羊矢其樹再接卽成
甚矣亦呼牛奶棹亦呼棹棹又棹柔也爾雅云柎杼鄭注
柎樹也唐風鴉羽篇集于苞柎陸璣疏云今柎棹也或謂
之爲柎其子阜斗其殼爲汁可以染阜按今通言棹栗其
實如小栗而微長近蒂處有棹景自裏爾雅所謂棹其實
棹也田野多磨粉食之 洽聞記唐永徽中魏郡人王方

言嘗於河中灘上拾得一小樹栽埋之及長乃林禽也實大如小黃瓠色白如玉間以朱點亦不多三數而已紀王慎得之貢於高宗以爲朱奈賜王方言文林郎亦號此果爲文林郎果俗云頻婆果河東亦多林擒秦中亦不少皆少於文林果 清異錄晉王常窮追汴師糧運不繼蒸粟以食軍中遂呼粟爲河東飯 事物紀原中國初無西瓜洪忠宣使金貶遞陰山得食之其大如斗絕甘冷可錫暑疾見松漢紀聞又五代史胡峤入契丹亡歸中國道其所見於平州始食西瓜云契丹破回紇得此種二說未詳孰是中州集王予可西瓜詩云一片冷栽潭底月六彎斜捲隴頭雲予可吉州人似金時其種已盛於北地忠宣以南歸耳

曹通志桃陽曲石酒者佳西山深奧處汾水所經也節滅洪洞獨多入秋販市者相屬於道曲沃紫金山

宜柿秋深霜清萬葉流丹林中墟落錯互望如赤城蒲
州有牛心柿大如牛心有鏡面柿平圓如鏡有朱柿色
深紅圓小而皮薄味尤甘美榛出長治潞城壺關櫻桃
出汾州一名含桃相傳鸞鳥所含先百果而熟漢明帝
宴羣臣大官進櫻桃以赤瑛盤賜羣臣月下視之與盤
同色今長安含桃始敵晉產耳蘋果味美而體鬆熟至
八九分者佳案卽文林郎果栗出應州枳椇蘇譚曰一名水蜜
又名拐蜜陽城南山谷有之形屈曲如珊瑚味甘如蜜
禮婦人之贊枳椇脯脩卽此黑棗平定州暨樂平產卽
羊棗也海榴出安邑者佳一名天漿卽安石榴楸子絳州馬
首山出色深紅置數果於案頭清香盈室本草綱目今關西人以赤
奈楸子取汁塗器中暴乾名果文官果出鄉甯俗名山
單案今太原以北多業此者木瓜

酒之美者葡萄桃舊入貢桑落卽白墮也其汾清玉液乾和桃
博羊羔玉露金波瓊漿襄陵亦稱佳釀今惟桑落出太原乾
和出平陽玉露出洪洞其名僅存而汾路之火酒盛行於世
柿酒俗曰花酒蒲絳解人喜飲之乳酒卽桐酒也出邊外

唐地理志太原郡貢葡萄酒 圖經葡萄酒八月熟取其汁

可以釀酒史記大宛以葡萄爲酒富人藏酒萬餘石久者
十數歲不敗魏文帝詔羣臣說葡萄酒云醉酒宿醒淹露而
食甘而不飴酸而不酢冷而不寒味長汁多除煩解渴他
方之果甯有匹之者今太原尙作此酒或寄至都下 五
總志葡萄酒自古稱奇本朝平河東其釀法始入中都余
昔在太原常飲此醞有詩云云 元好問葡萄酒賦序劉
光甫爲余言吾安邑多葡萄酒而人不知有釀酒法少日嘗

與故人許仲將摘其實並米炊之釀雖成而古人所謂甘而不飴冷而不寒者固已失之矣貞祐中鄰里一民家避寇自山中歸見竹器所貯葡萄在空盎上者枝蒂已乾而汁流盎中蕭然有酒氣飲之良酒也蓋久而腐敗自然成酒耳不傳之祕一朝而發之 明史太祖紀洪武六年上謂省臣曰朕飲酒不多太原歲進葡萄酒自今令其勿進國家以養民爲務豈宜口腹累人哉安邑縣志相傳本縣陶村前代設專官督進葡萄酒本有他縣葡萄蓋寡未有可造酒者所進即陶村產也案此則釀法自明初失傳故明人無論及者聞洋酒純以葡萄釀今市舶有售者品似出紹酒下不知芳醞故監視外洋風味爲何若耶大抵紹酒盛行後舉世從之而華太原河東亦效南釀太原名爲本紹河東謂之黃河水杯杓習用價亦頗昂而兩地所產葡萄山積秋後或至爛泥從無議及麴蘖者

水經注劉白墮宿擅工釀採挹河流醞成芳耐懸食同枯

枝之年排於桑落之辰故酒得其名矣 洛陽伽藍記河

東劉白墮善釀六月以罌盛酒暴於日中經一旬其酒不

動飲之香美而經日不醒朝貴相餉踰於千里以其遠至

號曰鶴觴

避暑錄白墮酒當時謂之鶴觴言其可千里遠

行之而

國史補河中桑落坊每至桑落時釀酒故號桑落

談輅桑落酒相傳是九月九日所作水麴米皆以三十爲

準熟於桑落之辰故名庾信乞酒詩蒲城桑落酒亦以出

蒲州

宋王公云徐文長集中酒三品一日桑落卽太原酒

者色味過醲非和以

他酒不能下嚥也

北史齊武成帝在晉陽手敕河南王孝瑜曰吾飲汾清三

杯勦汝於鄴酌兩杯 宋寶革酒譜酒之名最古於今不

廢唐人言酒之美者有河東乾和蒲東桃博

留青曰杜乾

醉一名乾和

河東并汾以爲貴品卽今不入水者
案今亦名乾黃酒平陽名乾梓頗佳 張能臣酒名記河

東太原府玉液河中府天祿舜泉汾州甘露堂代州金波

瓊酥陽州瓊漿 明劉龍詩注襄陵酒美人皆知之第以

山路險阻難以達於京師故搢紳非宦遊晉中者鮮得嘗

其風味正德初西涯當國遼老柄銓二公嘗評此酒爲天

下第一 會典蒙古貢有乳酒漢志給大官桐馬酒注以馬乳爲酒撞桐乃成也

舊通志汾州有羊羔玉露豆酒火酒之名羊羔玉露尤

美王世貞酒品云羊羔酒出汾州孝義等縣白色瑩徹

如冰清美饒風味遠出襄陵之上小挾羶氣耳又云太

原酒頗清醕而不甚醖難醉易醒余嘗取其初熟者以

羊羔劑半嘗之瀉水精杯不復辨色清美爲天下冠

飭之美者爲蜜有白蜜石蜜舊並入貢錫唐始有之出蒲州

唐志汾州代州貢蜜潞州貢石蜜慈州貢白蜜 元和志
晉州開元貢蜜隰州貢白蜜嵐州貢石蜜 九域志晉州
汾州各貢蜜二十斤

野客叢談東坡橄欖詩已輸崖蜜十分甜冷齋夜話謂崖
蜜櫻桃也余謂亦是石蜜考石蜜有數種本草謂崖石間
蠶蜜爲石蜜更有乳飴爲石蜜者廣志謂蔗汁爲石蜜崖
石一義案潞州嵐州之石蜜當
卽本草崖石間蜂蜜資暇錄蘇乳煎之輕飴

咸云十年來始有出河中此武臣李環家之法也余幼於
洛之綏福里見之開成初余從叔聽之鎮河中自洛招飴
者居於蒲蒲因是有飴案詩簫管備舉鄭箋謂如今
賣飴者所吹則飴漢已有之

布帛之屬絹紬白縠上純貨布古皆入貢麻布及襦其常賦
也今惟河東種棉花爲布良絲產甚微間有織紬及帕者

通典絳郡貢白穀五百匹大甯郡昌化郡各貢胡女布五

端唐志河東道賦繭布潞州貢黃布元和志河中府

賦絹縣麻布諸州並賦麻布太平記絳州貢夾授紗穀

子黃布案今本黃說貨夾授字似亦訛九域志岢嵐甯化平定保德諸

軍各貢絹一十匹陝州貢紬純各十匹宋志西河郡威

勝軍並貢土紬唐志丁隨鄉所出歲輸絹綾純各二丈純似布玉篇作纒云粗細經緯不同蓋絹之

屬金志隰州貢綠卷子布

舊通志元郝經言河東土產菜多於桑而地宜麻紡績

織布故有大布卷布板布等自衣被外折損價值賈青

白銀以供官賦明萬厯中詔潞安進紬二千四百匹未

幾復命增五千匹澤州張養蒙爲工部給事中率同官

力爭之不從呂紳停止潞紬疏山西歲派止有綾絹各

五百匹閏月共加八十六匹無所謂山西潞紬者查萬
歷三年坐派黃紬二千八百四十四匹十八年坐派五千
匹民力弗堪請止之又臨汾襄陵出帕元襄陵具城各有織染局又冀
甯路置織染提舉司一員唐絳州貢白縠今惟絳縣與絹朴素無奇
澤州府志產絲織成素帛以椶殼阜之謂之烏綾帕今高平
平蓋絲之利頗盛蒲州府志布幅視常加寬出柴河特勝虞鄉
能織細絹平定州志州素不諳織紡明萬歷間壽陽藍令
教之織今產較盛聞喜縣志俗女紅甚勤東鄉布尤
佳曰橫水布又織爲巾黑白相間名曰聞巾

器物之屬墨紙鏡扇香蠟燭龍鬚席毡扇鞍弦前代皆以充

貢

唐志土貢太原府有銅鏡鐵鏡

宋唐喬琳有太原進鐵鏡賦

馬鞍石州

有龍鬚席汾州貢席並較沁州貢席並弦晉慈隰石遼諸
州並貢蠟 通典常貢太原府銅鏡二面河中府貢綾絹
扇四面西河郡龍鬚席十領陽城郡六領平陽郡貢蠟燭
三千條文城郡蠟二百斤絳郡墨一千四百七十挺 元
和志蒲州貢麥麴扇漆匣麴本作稍說
文麥頭也石州貢龍鬚席五
領忻州貢扇十三枚 太平記蒲州貢竹扇經紙氍毹澤
州貢蜜蠟 九域志太原府貢銅鏡十面西河郡貢席一
十領平陽絳郡各貢蠟燭一百條上黨郡貢墨一百定昌
化軍大甯郡各貢蠟二十斤 金志河東北路貢白膠香
太原府有造墨場大同府貢安息香 元史朔州豐州毛
子局各設大使掌造織花毯

舊通志平陽縣紙以麻爲之有尺樣雙鈔諸名出臨汾

襄陵松心墨出潞安潞志拾遺云髻時猶觀陵川宗侯
所製龍墨色味俱良古今注龍鬚草一名霜雪草晉東
宮故事太子有獨坐龍鬚席唐西河諸郡貢之今無絳
州作毛毯細者爲袍衫舊作瓊帽婦女皆分功唐慈州
貢蠟羣山之中花卉草蘢蜜蜂窟宅多在石巖穴縫及
古木中故年久蠟藏

澄泥硯出絳州本陶硯也澤州舊亦爲之今多用五臺段畝
石頗發墨琉璃亦陶成者產交城諸山瓷器沙器處處有之
並粗惡適用而已

硯史澤州有呂道人陶硯以別色泥於其首純作呂字其
理堅重與凡石等以瀝青火油之堅響滲入三分許磨墨
不泛其理與方城石等 天祿識餘絳州澄泥硯以絹袋

置汾水中踰年而後取則泥沙之細者已入袋矣陶以爲
碗水不涸

舊通志琉璃出陽曲交城山有礦色微紅不甚堅硬土
人取搗成末如鍊硫磺法鍊成以爲簪釧釵紐之屬五

色胥備間有用以製鏡者今府南關有琉璃店魏世祖時大月

國人商販京師自云能鑄石爲五色琉璃於是採礦山
中於京師鑄之既而光澤美於西方來者乃詔爲行殿
容百餘人光色映徹觀者莫不驚歎以爲神瓷器有黑

明所作自此中國琉璃遂賤人不復珍之

白二種府州晉山凡盤盂器用極樸素有唐魏之遺風

元史冀甯資課五十八錠明晉府置窯燒造充府用其

白者類土定俗稱晉資又呂坤有停止沙鍋疏稱山西

沙器嘉靖四十年萬曆十六年均坐派潞安府沙器一
萬五千並備餘共一萬九千五百價值一百十餘兩

五臺新志段畝山在滹沱南岸產硯石有青紫綠三色
紫者爲多質粗而受墨價廉而工省凡附近各省市井
蒙館所用之硯皆此山之石也

五金產鐵最廣其精者爲鎮鐵製刀剪良

後漢志安邑有鐵平陽侯國有鐵皮氏有鐵大陵有鐵

前漢

志並有

鐵官 隋志齊諸冶並設丞隸太府東道有武安湓口

白潤三局西道有晉陽泉部大邛原仇四局

白潤在今陽城詳見古蹟

宮室

唐志晉州岳陽汾西絳州翼城絳州昌甯隰州溫

泉太原孟交城沁州絳上澤州陽城並有鐵 太平記大

通監管東西二京鐵之務東冶在絳上縣西冶在齊城縣

北山

宋產鐵四監一日大通十二冶又二十四務記云西

山冶在監西文谷內義泉社去監六十里此冶取狐

突山鐵礦烹鍊宋史真宗初河東轉運使宋搏言大通錄

名盈積可備諸州軍數十年鼓鑄願權罷採以舒民又景

德元年弛通民鑄禁河東轉運使陳堯佐奏減澤州大廣冶鑄課又熙甯中河東轉運使劉庠計一路之產鐵利爲
饒請復舊
元史太宗八年立鑪於西京州縣撥冶戶七

百六十煬焉九年立鑪於交城縣撥冶戶一千煬焉元貞
二年置山西鐵冶提舉司大德十一年聽民煬鍊官爲抽
分至大元年復立河東都提舉司掌之所隸之冶八曰大
通曰興國曰利國曰惠民曰益國曰潤富曰豐甯豐甯冶有
通志交城西北西冶村有都提舉鐵冶廢址卽大通監故
關鐵冶元設提舉司在襄陵京安鎮利國鐵冶在懷仁清
涼名勝志太原府城內有巨鐵常露其頂掘之則深入
不出曰鐵母今有鎮鐵祠

舊通志鎮鐵祠在太原府旗纛廟東又金雲內州貢青
鎮鐵今無明驛馬都尉焦某取夢溪筆談世間所謂鋼
鐵者用柔鐵屈盤之乃以生鐵陷其間泥封鍊之鍊令

相入謂之鍊鋼亦謂之灌鋼此乃偽鋼耳舊鍛生鐵以

爲堅二三鍊則生鐵自熟仍是柔鐵齊神武館客葉母懷文造宿鐵刀其

法燒生鐵精以重柔鐵數宿則成鋼以柔鐵爲刀脊以

以五牲之溺淬以五牲之脂新甲過三十札後襄國治

家所鑄宿柔鐵是其遺法作刀猶予出使至磁州鍛坊

甚快利但不能頓截三十札也

觀鍊鐵方識真鋼凡鐵之有鋼者如麪有筋灌盡柔麪

則麪筋乃見鍊鋼亦然但取精鐵鍛之百餘火每鍛稱

之一鍛一輕至累鍛而斤兩不減則純鋼也雖百鍊不

耗矣此乃鐵之精純者其色明瑩磨之黯然青而且黑

與常鐵迥異亦有鍊之至盡而全無鋼者皆係地之所

生也磁州鍛坊乃山西鐵也晉鐵之多鋼卽此可見

榆次縣志刀剪甚利者古稱并州杜工部詩猶言之蓋

地產鐵勁於他處而諸工藝惟此擅良今東西聶村及

王胡爲者四方之人往來過此必市之或用爲餉貽

明王崇古鐵鍋互市疏潞鍋生爐煬鍊倍折每生鍋十

斤僅得鐵三斤若舊鍋用久破裂僅得二斤案全晉產

利鑄生北利打熟潞鐵作釘爲南省造船所必需取其易鑄也今冶工多棄此矣

銅鉛錫皆有之銀出中條五臺白登諸山今久罷采

魏書延昌三年恆州上言白登山有銀礦八石得銀七兩

錫三百斤詔置銀官常令採鑄 水經注鼓鐘川一水厯

冶官西世人謂之鼓鐘城城左右有遺銅及銅錢也鼓鐘城在

垣曲今說忻川水厯程侯山舊有採金處俗謂之金山太平

爲晉冢唐志解有銅穴十二安邑有銀曲沃有銅翼城

本無有銅源翔皋錢坊二孟有銅五臺柏谷有錫有銅黎城有

銅山陽城有銅有錫平陸有琴瑟穴銀穴三十四銅穴四

十八在覆釜三錐五岡分雲諸山又食貨志天下銅鑪九

十九絳州三十

稷山垣曲並有坊

九國志北漢俗劉繼禹遊華

巖見地有寶氣乃於柏谷置銀場募民鑿山採取因置寶興軍 太平記少陽山在交城西南山海經其山多玉其下多赤銀郭注銀之精者靜樂縣白馬山山海經云其陰多鐵多赤銅稷山在安邑縣東山海經云其山多錫一名玉山 元志大同有鍊銀洞 明一統志錫交城及平陸箕山出鉛臨縣招賢村有鑿銅出代州鳳游峪及垣曲北山自然銅保德州出

舊通志曲沃紫金山舊產銅金爲銅母故以爲名解州車軻谷有銀沙洞今禁不採垣曲折腰山中低旁高舊出銅礦鑿入摧折故名鉛出鳳臺說文青金也有銀阬

處產之澤無銀坑而特有鉛

案會典山西交城縣平定州鉛廠二入收課又山西

例採辦高錫十萬斤雍正中
部議準以鐵代錫

舊傳太原太平澤潞等山出金

銀礦明萬厯中遣中使開採大率礦沙一斤得銀三五錢不等亦有全無所得者計其工費不啻倍蓰礦亦隨竭

國朝康熙四十六年陽曲民高宏化等指稱太原等金銀銅礦每歲願輸銀二十萬兩自備人工開採下部行查巡撫噶禮將康熙十四年以後厯年卷案均屬挖取無砂久奉封塞題覆高宏化等復行籲請乃

命戶部郎中赫都押解高宏化等十人至晉同地方踏勘是年九月同巡撫噶禮布政司永泰赴繁峙應州等處開挖無驗十一月赴聞喜衛坡卽宏化所稱魚坡灣者開

挖二晝夜得銅砂二十斤又赴夏縣溫峪山開挖三晝
夜得銀砂二十餘斤面同部員封固還省覓匠煎鍊所
採銀砂並無銀色銅砂雖有銅星不成分數遂將高宏
化等交部員押解回京覆奏宏化議罪發落礦洞永行
封塞

案咸豐七年光緒三年於安邑絳縣各處試行開採皆以所得不敷工本中止

土石之屬前代貢有鹽花消石礬石石膏青綠白石英解玉
沙

唐志太原府貢石礬汾州貢石膏消石澤州貢白石英代
州貢青綠彩霍州貢鹽 通典常貢太原府礬石三十斤
西河郡石膏五十斤消石五十斤高平郡白石英五十九
小兩雁門郡熟青熟綠各二十兩 九域志太原府貢礬
五十斤定襄郡貢解玉砂五十斤雁門郡貢青綠各一十

斤解州貢鹽花五十斤 金志大同府貢煎鹽碾玉砂石
綠

舊通志鹽出解州

詳鹽法略

太原諸屬水性土脈多鹹遠望

之似水近卽之似積雪人率刮取實水池中於池前埋
小甕以濾鹽汁汁成入鍋煎三晝夜鍋得鹽斗許色微
黃所謂天生曰鹵人生曰鹽者是矣徐溝水土差甘鹽
率由井水取味鹽井又尅輒鑿井得鹽泉者置地畝餘
爲土場汲水曬之土得日曬水味入土乃濾鹽汁兩濕
則味退必再曬注水濾汁如前煎一晝夜每鍋得鹽可
七升土人名小鹽又名末鹽

案刮土煎鹽太原以北及

鹽官五原郡成宜雁門郡樓煩

並有鹽官民食土鹽自古已然

再加煎鍊遂成硝工部歲採買無定額太原硝皆出人

力貧民借以自活惟朴硝生於鹽鹵朴者本體未化之意出解州水池中 礬有白礬黃礬綠礬黑礬絳礬柳

絮礬自流礬本草云白礬出晉州慈州綠礬出隰州一

統志云太原交城平定臨汾大同俱出唐於晉州置平

陽院以收其利開成三年度支奏罷之以礬山歸縣五

代創務置官吏宋制晉慈隰州汾州靈石皆置場隰州太

祖時以地換河東境罷之太平興國三年邳州牙吏卜

美清募工造錢煮礬輸官課詔從其請靈石場至道初

廢景德元年復置大中祥符八年又又置官典領有錢

戶煮造入官市晉汾慈州礬以一百四十斤爲一駄給

錢六十隰州礬減三十斤給錢八百汾州每駄二十四

貫五百又增五百隰州每駄四貫六百白礬汾州斤百

九十二錢綠礬斤七十錢晉州折博務額錢一十六萬

貫許商人入中筭請生礬上京煎鍊賣與通商路分客

人宋史建隆三年禁私販幽州礬其後定令私販何東

晉州制置礬務許商人輸金帛絲綵茶及緡錢官礬帶

積凡歲增課八十萬貫化元年有司言晉州官礬帶

賤不可與晉州礬均法詔如私鹽例慶厯元年河東轉

運使於晉州置鍊礬務官置鍋自鍊熟礬招客而六戶

年額如故又河東轉運使薛顥請晉慈礬一切入緡錢

久之礬積益多復聽入金帛芻粟又神宗時隰州商尹

奇買溫泉礬有羨數云官礬之守欲械訊河東大理正

杜純曰奇情止爾若傳致其罪恐民無敢復貨礬

則數百萬之儲皆為土石諸故其羨而釋其人

煤炭南北諸山皆產之

趙岐孟子注炭墨也日知錄今人謂石炭為石墨按水經

石墨可書又然之難盡亦謂之石炭是石炭石墨一物也

有精靈耳史記外戚世家賣少君為其主人入山作炭後

漢書燕銅傳夏酸入林慮山中親突煙炭皆此物也北人

凡入聲字皆轉為平故呼墨為煤而俗竟作煤字非也玉

篇煤食煤也韻會煤與灰集屋者呂氏春秋煤室入甌中

高誘注煤室煙塵之煤也素問黑如炭者死注良煤也唐

張昉詩古贈丹樓盡探棟煤良生李商隱詩前朝神廟鎮
煙煤是煤乃梁上煙座之名非煤炭也明崔詵彰德志作
海云炭有數品其堅者謂之石轉者謂之海而玉篇
謂廣無海字案今俗以成塊者為炭其末謂之煤

舊通志山西府州惟石炭不甚缺其有缺處亦以樵山
較易於鑿窟非因遑絕不可致而後易之以薪也炭有
劣炭微煙有肥炭有煙出平定者佳有煨炭無煙出廣
靈者佳精膩而細碎埋爐中可日夜不滅霍山以南炭
硬而多煙內
含油然之則融結為一宋崇甯末官賣石炭增賣二十
作枯炭最良即藍炭也
餘場元大同路煤炭課一百二十九錠一兩九錢又煤
木所
二千四百九十六明萬曆三十年十一月內官奏山西
錠有奇乃木炭也
煤審每年變價五十兩有旨開取繁峙縣志柴皮炭
出縣東北石梯山形類木而溼櫻色枝幹膚理了了可
辨暴乾則紋裂質頓輕矣焚之微弱而多煙又一種出

大營東灘中色黑作泥層擠之有水土人名活牛糞乾
亦可然而皆不甚發火故縣中所用多五臺嶧縣之石
炭貧家及濱山諸村則掘取以代煤謂泰西人著煤法書
初之世植物繁多經久積湮而成者草木由繁盛而至
積湮由積湮而增積土自數十尺至數百尺壓於積湮
之煤料之上及地陷之後又積土石於其上因有數千
尺厚之重力壓之遂生熱而散湮氣既深藏地腹又必
經無算年始成堅煤有考其理者積地而草木溼料入
尺方結厚實真煤一尺然則柴皮炭乃木質之初變為
煤者大營所產直煤料矣流黃出陽曲及陽城並置廠

晉政輯要礦廠一在陽曲縣王封村一在陽城白桑村

舊通志居人入山取礦置沙礶中以火鍊之融注資益
一餅約重十斤工部歲採買亦無定額古志塞表之地
有硝而無磺東倭之國有磺而無硝兩廣川貴之地亦

間有其一而不得兼惟汾晉兼而有之
火器用之以爲長技邱瓊山火藥議宋太祖時有火箭眞宗時始有火
毬之名然或假木箭以發未知是今之火藥否今之火
藥用硝燄硫磺柳炭爲之硝之名見於本草張仲景方
論中已用爲劑則是漢時已有矣硫磺自海舶上來唐
以前無此也案礲古以石爲之槍以木爲之火礲火槍
謂震天雷者鐵罐盛藥以火點之槍起火發其聲聞百
里外所發之輒前燒十餘步亦即鳥槍權輿也元兵圍汴
用砲攻城金亦用此二器以拒元不知孰爲創始也
礲出太原及邊外州縣

元史晉甯硝礲歲課二十六錠七兩四錢案平陽不產礲
晉甯六書故云礲鹵之疑著者并州末鹽刮鹽煎鍊味最
下者則太原所產元人固嘗盛推矣然謂爲鹽之下者殊
乖物性礲鹵草木之質而生味與酸對不
與鹹對鹵土取鹵多在蒿蓼叢生處也

舊通志鑛出定襄土多斥鹵居人刮而鍊之既成錠帶
販四方業者頗眾元史歲有礱課 天鎮縣志鑛隨地
有之富商大賈爲備器具募工匠歲所得恆數百萬斤
販往京師頗得重利然皆來自汾太縣人無此重資也
惟刮土淋鹵稍得工值餘潤所及差免凍餒

玉今絕無雲母瑪瑙水晶間出邊地亦罕見

爾雅霍山多珠玉 山海經平山平水出於其上潛於其
下是多美玉又泰戲之山多珠玉 太平記忻州雲母山

一名獨嶺山唐貞觀十八年勅賜薛遵度採雲母於山

元志大同府產瑪瑙環子數珠

案漢瑪瑙出今直隸之西
甯本元宏州屬大同路

繁峙縣志去縣東北百餘里與渾源界有地曰黑狗背
產石類水晶質皆黑白他色亦有之而碎小不中爲器

亦最難得其石天然六棱兩端銳削類石工之鑿大或
徑尺細或如指累千萬無異狀其初出時東省工匠羸
糴腐至窮巖遂谷搜掘殆徧久之遂涸今土人亦有鑿
山重尋者然所得皆璞矣

舊志有涅石嬰石礪石石膽石脂長理石赭石角石烏石磁
石鑪甘石花斑石凝水石五色石文石石燕子木鬲石陰精
石青蒙石花葉石金精石銀精石及聖土金土之屬

山海經孟門之山其下多黃堊涅石又燕山多嬰石

舊志云今

壽陽縣也案壽陽有燕巖或然

又郭注礪石出雁門山白者如水中赤

色本草石膽出蒲州大者如拳小者如桃栗擊之縱橫
解皆成疊文色青見風久則綠擊破其中亦青又蘇頌曰
白石脂赤石脂惟潞州有之味甘平療疾甚多別錄長

理石如馬齒方而潤澤玉色生長子山谷性苦寒無毒赭
石出代州者名代赭 歐陽修硯譜絳州角石其色如白
牛角其文有花浪與牛角無異然頑滑不發墨世人但以
研丹耳 博物要論烏石出澤潞山中純黑如漆細潤如
玉性堅刮不動可作帶佩

舊通志磁石卽吸鐵石出交城 鑪甘石出太原澤州
陽城高平靈邱諸處亦有之 天冰出廣昌廣靈等山
塊粒如石腴理薄似紙層層剝之表裏精瑩如玻璃水
晶狀然脆而不堅土人但以映窗令內外明照云宋蘇軾
所爲亦花斑石出廣靈廣昌靈邱凝水石生大同山谷
曰天皮中卽寒水石本草注石體與水同色凝而不動故名

五色石斑爛可愛出蘆芽山

明魏時亮節財疏時有言
山西出五色石者成祖曰

兵革災荒小民困苦今何可以此困
苦之官府求一物卽百姓受一害矣
文石出沁水板

橋村今罕見 石燕子出保德州八樓溝又木鬲石亦
州境出細澤可磨硯 太陰鉉精石產鹽池古云大鹵
之場則生陰精石是也一名鬼精一名龜背石又青礫
石色青黑剖之中有白點者佳出靜林寺東山花藥石
本黃石中有淡白點如花故名出靜林寺東山澗 金
精石銀精石出垣曲絳縣 聖土鄉甯縣出 金土出
甯武石所化也色類金繪工取以絢采

藥草入貢者前代有人參紫草甘草菰蓉柴胡禹餘糧五味
子括蕓根防風大黃黃連三棱蒼朮

通典常貢上黨郡貢人參二百小兩高平郡貢人參三十
斤樂平郡貢人參三十兩太原郡貢甘草三十一斤陝郡

貢括蕒根三十斤 太平記潞州貢紫草霍州朔州並貢

莖蓉別錄生代郡雁門多馬處便有之云是野馬精落地所生生時似肉 九域志樂平郡

貢人參一十兩馬邑郡貢柴胡十斤定襄郡貢甘草三十

斤高平郡貢禹餘糧九十斤河中府貢五味子三十斤解

州貢括蕒九十斤防風三十斤圖經石防風出河中 金志太原府

貢大黃大同府貢黃連朔州貢三棱隰州貢蒼朮

隋書五行志開皇中上黨有人宅後每夜有人呼聲求之

不得去宅一里許但見人參一本枝葉峻茂因掘去之其

根五尺具人體狀呼聲遂絕案晉書載記石勒家園中生人參花葉甚茂悉成人形與

隋志所言告爲草妖也 圖經產潞州者五葉真人參沁州者薺薳

之苗葉 綱目上黨今潞州也民以人參爲地方害不復

採取今所用者皆是遼參 植物名實圖考黨參今係蔓

生似沙參苗而根長至尺餘俗以代人參殊欠考核人參
澤遼上黨及太行紫團者為上皆以根如人形三棱四極
五葉中心一莖直上為真今形狀迥殊其可謂之參耶舉
世以代神草莫知其非而服者亦多胸膈其氣隔之患嘗飭
人於深山掘得時之盤盆亦易繁衍細察其狀頗似初生
苗而氣味則近黃耆昔人有以野苜蓿誤作黃耆者非
此物耶舉世服餌雖經核辨其孰從之但太行脈厚泉甘
此草味甜有汁登脾助氣亦應功亞黃耆無甚感德之人
藉以充潤腸胃當亦小有資補若傷胃時疫以此橫塞中
焦延羸難證妄冀蘇起沈疴未觀其益必蒙其害

舊通志人參產壺關紫團山者為紫團參山舊有參園

後墾為田其他山谷雖產參然服之妙效歸安府志紫

團為田而索者猶未已張翰林講備謁嚴數根株鮮獲

人募虛名寺庸實害每值易參僧以倍價市之逮繫彌

旬吏緹為奸又司捕者假以巡察橫索參錢山僧斂而

納之至鬻衣鉢輸林名錄印其邑人案明紀太祖嘗朕

聞人參得之甚艱今後不必進用而其中葉更猶暴

橫若此則當唐宋歲充常貢時其病民又何若也
舊志藥之屬射干出陽曲草慈出祁縣芫花出浮山瓦松白

菊出潞安菴菴出汾陽介休獨活出應州地榆黃芩知母出

朔平黃精出平魯莨菪子山茱子

本草曼陀羅花也

出甯武秦艽出

偏關藥本出澤州桑寄生出沁水陵川白芷出蒲州苦參白

微貫眾藜蘆欬冬花出遼州金絲草無名異出和順石菖蒲

旱蓮草出沁州連翹貝母出沁源沙參出壽陽水沙出代州

茯苓出五臺紅花白附子蒲黃出解州萊菔子出絳州五加

皮出隰州蒺藜出大甯黃耆出沁州者爲縣耆以縣上得名

出邊外蒙古者爲原耆本漢五原地也

煙草卽淡巴菰也舊出曲沃今南北胥有種者

舊通志曲沃舊無此種邑人張士英自閩中攜歸明季

民窮賴此少有起色名曰煙酒可以已寒療疾胥人種

植昉於曲沃今則并代汾潞胥盈望矣

木之屬松木松脂松明蕪荑荆枸杞前代皆以充貢

太平記汾州土貢松木石州貢蕪荑隰州溫泉產蕪荑甚

佳 金志大同府貢松脂松明朔州貢荆枸杞

爾雅蕪荑郭注詩山有藎今之刺榆說文梗山枌榆有束

莢可為蕪荑也別錄蕪荑一名藎生晉山川谷三月採

草注大抵榆類而差小其實河汾燕間錄戴石屏詩麥

麩朝充食松明夜當鐙此是山西本色語深山老松心有

油者如蠟山西人多以代燭謂之松明頗不畏風

山木舊於交城設廠今廢

舊通志交城多山而樹藝甚艱民蓄木以代耕舊設廠

武元關前後廠廢知縣趙吉士請於水泉灘仍立廠焉

案雍正中廢設水泉灘其武元城並設稅口乾隆中又分設稅口於故交城額徵稅一千二百六十七兩有奇

後以山木疎稀廢廢惟存
稅口每年徵銀百餘兩

舊志栝出潞安檜桐出汾州楮出蒲州白松出沁州榧出忻
州樺出五臺漆出吉州檀榆出隰州

陸璣詩疏栝似荆而赤莖似著上黨人織爲牛筥箱器又
揉以爲釵故上黨謂問婦人欲買赭石否謂竈下自有黃
土問欲買釵否謂山中自有栝

舊通志栝一名穀音媯一作構有雌雄二種雌者結實
如楊梅汁能合朱砂爲團抽金貼金皆用其汁 樺木

出五臺可作器皿

謂其木色黃有小斑點紅色能收

韋裏及爲弓靶之類謂之暖皮厚而輕虛軟柔皮匠用視
可作扇然案木根尤多花紋五臺人製爲杯盤以售蒙
古恒獲重價長治郡 爾雅還味棡棡聚隰州土人取其
城亦有製爲酒器者

子以榨油味惡不堪食故州民自道其疾苦有苦蕎麥

臭松油之謠

其植物之異者草有特生草神護草長生蘋龍女髮地錦草如意草席箕草長松草薔薔草雞足草菩薩線金蓮花鉢囊花墓頭回鬼見愁小人草木有萬歲樹龍門桐縣山牡丹暖木不灰木鄧青樹娑羅樹黃櫨木六道木夜亮木

詩唐風隰有杻毛傳杻櫨也陸璣疏云今官園種之正名曰萬歲既取名於億萬其葉又好故種之共汲山下或謂之牛筋可爲弓弩幹也周禮龍門之琴瑟注云龍門山名也枚乘七發云龍門之桐高百尺而無枝唐地理志太原貢特生草本草恆山有草名神護置之門上每夜叱人物類志護門草取置戶下或有過述異記席箕一名寒蘆生北方古詩云千里席其草朔平府志作茂茂草一叢數百莖以縛帚

極佳天鎮縣志土人織為蓆以
用粟紉為繩束物汲木皆用之 癸辛雜識長城之旁居

人以積雨後或有得堅木於城中者識者謂名黃蘆木乃

當時用以為城幹者惟極堅勁不畏水溼而耐久至今一

二千年猶有如楹大者以為槍幹最佳案北史高歡築長

汾州西水經注黃檣水出蒲川在今臨州北檣讀如羅作

蘆非其木可染黃今吉黑諸處皆用以棧屋亦取其耐久

不畏溼也又可然 蘇詩注五臺山有草名長松亦名仙

為蒸俗謂之明柴

茅張天覺集僧普明居五臺山患大風眉髮俱墮忽遇異

人教服長松明採服之旬餘毛髮俱生顏色如故李時

珍曰長松生古松下根色如薺莨長五六寸味甘微苦類

人參清香可愛案臺山近產人參色白名臺參醫書方志

皆未著錄未 河汾燕間錄山西地寒北上雁門雲中更

寒然暖木實產其間此陰中陽也 廣羣芳譜金蓮花山

山西五臺山塞外尤多花色金黃七瓣兩層若蓮而小六

月盛開至秋花乾不落 熱河志夜合花產塞外山中結

實累累色映紅狀如秋海棠中含紅珠晨放暮斂故名

亦見

歸後

識略六道木生塞外幹有紋六道細如線而界畫甚勻

大今

同諸處多

用爲箸 夜亮木生塞外山中枯木根入土千歲煜有光

晶置之暗室可以燭物

內地山潦漲發淫薪中每有之鄉甯人呼爲明火株

奉使

日記歸化城外遍野有花如牛旁子叢生並開藥紅花白

微香其根臭名曰小人草 植物名實圖考犂頭草有寶

劍草半邊蓮諸名山西志名如意草小蟲兒臥單本草拾

遺地朕一名地錦蔓延著地葉光淨露下有光山西通志

地錦一名草血竭一名雀兒單潞人稱爲小蟲兒臥單此

草既有草血竭之名則治血證應效墓頭回生山西五臺

山綠莖肥嫩微似水芹葉歧細齒梢結實攢簇如椒有毛

綱目治崩中赤白帶下鬼見愁生五臺山紫毛森森如蠟

刺梢端作綠苞清涼志生臺麓能驅邪以懸門首能畏鬼
或亦呼爲鉢蓮

舊通志長生蘋出太原縣晉祠朱彝尊詩琤琮難老泉

分流注蒲稗中有長生蘋葱菁儼圖畫道光丙戌大同柳泉夢生此蘋

葉紹本有記龍女髮出翼城石姑山石縫中葉似莎長四

五尺遇旱梳之則雨土人以名如意草一名箭頭草

象葉形也夏開紫花小有香土人嘗採蒸麥飯結實三

稜似瓜形如豆大熟則殼分三角中各含子十餘粒如

粟大根似蓮志近醫多採葉陰乾以末塗惡瘡效五

臺有異草三種一名菅藁一名雞足一名菩薩線又鉢

蓮花土人名荷包相傳五百羅漢遺之化爲此花又娑

羅樹出清涼山娑羅花佛日盛開每朵十二瓣遇月輒多一瓣故云月木見雲南志縣

山介廟牡丹紅花中間出白花一朵人以爲神在翼城小縣山

又汾州白牡丹唐開元末裴士淹使幽冀於汾州眾香寺得之植於長安私第爲都下奇賞不灰

木出澤潞山中色青白可作刀靶火鑪以紙包裹藤延

安石腦油中油浸一年則照可一年鄧青樹出和順

東山取其枝入水五色畢見土人云葉繁密則年豐

禽獸之屬前代貢有鵬翎野雞熊皮豹尾羊馬犛牛尾麝香

白駝野馬膾皮

唐志河東道貢豹尾熊羆鵬羽雲中郡貢犛牛尾 通典

雁門郡馬邑郡貢白鵬翎各五具定襄郡貢豹尾十枚樓

煩郡貢麝香十顆單于都護府貢野馬膾皮十二片一元

和郡縣志澤州貢野雞九十隻嵐州開元貢熊皮石州忻

州代州隰州並貢麝香 太平記雲州土貢鵬翎羊馬犛

牛尾 九域志忻州土貢麝香二兩憲州軍貢麝香五兩
代州貢麝香三兩 金志大同府貢白駝

六畜皆常產也代北滋息最盛其太原嵐靜石樓潞安舊並
出良馬

漢地理志太原有家馬官

臣贊曰家馬廢一歲萬
匹家馬後改曰捐馬也

魏書

爾朱榮傳父新興繼爲秀容酋長畜牧蕃息牛羊駝馬色
別爲羣谷量而已 唐書兵志凡馬五千爲上監三千爲
中監置三監於嵐州嵐州使統樓煩元池天池之監藩鎮
傳潞州津梁寺水草美馬肥健謂之鴨腳馬 太平記石
樓縣屈產泉相傳昔有白馬飲此泉生得龍駒春秋曰屈
產之乘蓋此地生良馬也 李翰名馬記宋志魏黃初中
上黨澤馬唐開元十二年太原獻異馬駒其耳如倚左右

十筋肉尾無毛 會典歸化城土獸特歲貢馬一百六十匹

舊通志趙吉士言交山米家溝惠家莊鍾家溝一十八

村與靜樂石峽接多產良馬卽屈地又朱彝尊誌交城

地近屈產良馬絕有力

案交山當在唐樓煩三監管內距北屈絕遠謂卽屈地尤誤

舊志禽類半癡出太原青眉出岢嵐鶴出平陽鷗出潞安黑

串出孝義鷹慈老出大同畫眉出朔州青田田朱衣鳥出澤

州喫酒兒出沁水子規出沁源白眉出武鄉鷲鷯出靜樂解

鋸鳥號寒鳥並出五臺紅點雀黑燕鴉並出保德翡翠出絳

州鶴出隰州蛾嘴鳥出趙城白翎雀出塞外獸類羆麀並出

代州獾出澤州麝出汾州黃鼠出大同鼯鼠出解州棗駝鹿

出塞外

漢書音義上黨隋氏縣出鵠 唐書高宗獵於苑中將軍
史興宗言晉州出好鵠劉齊賢見爲司馬請使捕之上曰
劉齊賢豈覓鵠人耶 段成式肉攬部有代都赤紫背黑
鬚白睛生代川赤岩裏向靈邱中山白澗飛漠北白身長
大五斤有餘細斑短脰生沙漠之北一名西道白向代川
中山飛白阜驢大者五斤漁陽白道河陽漠北所在皆有
生枯柏樹上便鳥向靈邱中山范陽章武飛青斑大者四
斤生代北及代川白楊樹上細斑快向靈邱中山范陽飛
荆窠白者短身而大五斤有餘便鳥而快一名沙裏白生
代北沙漠荆窠上向雁門馬邑飛 王世隆禽語詩序楚
辰山中有鳥四五月則鳴其聲大而亮土人譯之曰乾柴
乾摘晉地則名曰青田田而譯其音似爲蠶者防火其實

本一鳥楚人重竹木晉人尚蠶故因其地與其時之急以
警人 輟耕錄五臺有鳥名號寒蟲四足肉翅夏月毛采
五色自鳴曰鳳凰不如我冬寒毛隕號曰得過且過其糞
卽五靈脂也 山堂肆考五臺山有吉祥鳥形翅甚大其
飛也有四黃鳥導之四鵲從之 居易錄半翅卽沙雞也
一名鐵腳爾雅鴝鵒唐書之突厥雀也大同府志 白東
谷詩注喫酒兒山禽也鄉里多有之

山海經泰戲山有羴其鳴自訓

通典兼見則歲豐

爾雅注夏屋

山有獸形如兔相負共行土人名鼯

呂氏春秋鼯兔後而鼠前案塞外有鼯兔

足前短後長其行

羅羅似與呂覽合 尸子中黃伯曰我左執太行之優右

執雕虎

魏風碩鼠陸璣疏爾雅鼯鼠許慎云鼯鼠五技

鼠也河東有大鼠亦有五技或謂之雀鼠

芮城故魏國又霍山有雀鼠谷

劉續霏雪錄黃鼠穴處各有匹配秋時蓄黍菽及草木之實以禦冬天氣晴和時出坐穴口見人則拱前腋如揖狀卽竄入穴味極肥美元時曾爲玉食之獻人不得擅取也

案卽詩疏之鼯鼠也明統志產大同

舊通志慈老似雁非雁偕雁來往箸爪修喙翎毛風來颯颯可觀解鋸鳥體小而色黃飛最夥人不知爲何鳥聆其聲若解鋸然故名撞破頭雀羽毛鮮潔頭有紅點如血故名

案又有藍點者皆善鳴一種名時辰子均出北地

一黑燕鴉似燕而大

似鴉而小黑色長尾有歧五更輒鳴曰架格架格至曙乃止古有催明之鳥名喚起者疑卽此農人候其聲則入田與作土人呼爲夏雞獐出汾陽孝義似鹿而小無角

澤州志朱衣鳥形如瓦雀毛羽類丹砂善鳴或

以爲卽古之赤鷄也 孝義縣志烏有黑串者大如燕
有灰白二色能如鸚鵡效人聲 歸綏識略產百靈一
作白翎卽百舌之義塞上運載莫便於駝一駝負米一
石五斗飲水不多食草不擇又此間山中所獲鹿茸皆
長數尺

鱗介昆蟲之屬前代充貢有龍骨蟾酥

通典太原府貢龍骨三十斤 太平記土貢有榆次龍骨
又嵐州產五色龍骨

舊通志太原縣賢輔鄉有蟾酥池元時採辦於此又代
州五臺崞縣定襄舊並有池

元好問有
蟾池詩

右物產

山西通志卷一百